

〔續日本後紀仁十〕承和八年九月戊辰朔有洪水漂流百姓廬舍京中橋梁及山崎橋盡斷絕焉

〔續日本後紀仁十〕嘉祥元年八月辛卯洪水浩浩人畜流損河陽橋斷絕僅殘六間宇治橋傾損茨田堤

往往隕絕故老僉曰倍于大同元年水可四五尺

〔三代實錄清四〕貞觀二年九月十五日壬戌風雨不止都城東西兩河洪水人馬不通略下

〔三代實錄清六〕貞觀四年四月二日庚子大雨河水流溢行路難通

〔三代實錄清九〕貞觀十三年五月十六日辛酉先是出羽國司言從三位勳五等大物忌神社在飽海郡

山上巖石壁立人跡稀到夏冬戴雪禿無草木去四月八日略中山所出之河泥水泛原无據一本補溢其

色青黑臭氣充滿人不堪聞死魚多浮擁塞不流略聞于古老未嘗有如此之異略下

〔三代實錄清十一〕貞觀十六年八月廿四日庚辰大風雨折樹發屋紫宸殿前櫻東宮紅梅侍從局大梨等

樹木有名皆吹倒內外官舍人民居廬罕有全者京邑衆水暴長七八尺水流迅激直衝城下大小橋梁

無有子遺朱雀大路豐財坊門倒覆抱關兵士并妻子四人壓死東西河流汎溢蕩々百姓及牛馬沒溺

死者不知其數與度渡口四邊三十餘家山崎橋南四十餘家流土人居屋中隨流蕩去者甚多一婦人

提携兩兒在小倉中排扉隨河水而流下舉手招呼岸上人來救人々號哭百方相計水勢奔湧遂不能

授手至觸橋柱倉壞人沒權律師法橋上人位宗叡豫造御願寺在山城國愛宕郡栗栖野堂舍顛覆佛

像元在北山高岑寺貞觀十三年大雨水自然以大巖石塞其道路行人不通去高岑寺移立於栗栖野

又去年京師大雨雹時人皆曰此三度災因彼像而發焉是日班幣畿內諸神祈止風雨時論或云今年

洪水增於嘉祥元年六尺有餘

〔日本紀略光孝〕仁和二年五月十日戊子自去七日大雨河水漲溢人馬不通

〔日本紀略村上〕康保三年閏八月十九日庚辰遣使巡檢洪水或流失屋烟或漂沒資儲又西獄垣爲水